



REPUBLIKA E SHQIPÉRISË
UNIVERSITETI I SPORTEVE TË TIRANËS
SENATI AKADEMIK

Nr. 1848/II Prot.

Tiranë, më 28.12 2021

VENDIM

Nr. 150 dt. 28.12 2021

PËR

**MIRATIMIN E RREGULLORES PËR HETIMIN ADMINISTRATIV TË KËRKESËS
SË SINJALIZUESIT PËR MBROJTJEN NGA HAKMARRJA NË UNIVERSITETIN E
SPORTEVE TË TIRANËS**

Mbështetur në Ligjin nr. 60/2016 “Për sinjalizimin dhe mbrojtjen e sinjalizuesve”, në Kodin e Procedurave Administrative, në Urdhrin e Ministrit nr. 30, datë 06.01.2017, si dhe në aktet e tjera nënligjore, Senati Akademik në mbledhjen e datës 28.12.2021,

V E N D O S I :

1. Miratimin e Rregullores “Për hetimin administrativ të kërkесës së sinjalizuesit për mbrojtjen nga hakmarrja në Universitetin e Sporteve të Tiranës“.
2. Ky vendim hyn në fuqi menjëherë.





REPUBLIKA E SHQIPËRISË
UNIVERSITETI I SPORTEVE TË TIRANËS
REKTORI

RREGULLORE

PËR HETIMIN ADMINISTRATIV TË KËRKESËS SË SINJALIZUESIT PËR
MBROJTJEN NGA HAKMARRJA NË UNIVERSITETIN E SPORTEVE TË TIRANËS

Tiranë, Dhjetor 2021



KREU I
RREGULLA TË PËRGJITHSHME

Neni 1
Baza ligjore

Rregullorja për hetimin administrativ të kërkesës së sinjalizuesit për mbrojtjen nga hakmarrja në UST, bazohet në ligjin nr. 60/2016 “*Për sinjalizimin dhe mbrojtjen e sinjalizuesve*”, Kodin e Procedurave Administrative, si dhe në bazë të urdhërave, udhëzimeve dhe akteve të tjera nënligjore të miratuara nga Inspektori i Përgjithshëm.

Neni 2
Objekti

Objekti i kësaj Rregulloreje është përcaktimi i rregullave për procedurën e shqyrtimit të hetimit administrativ të kërkesës së sinjalizuesit për mbrojtjen nga hakmarrja, në zbatim të ligjit nr. 60/2016 “*Për sinjalizimin dhe mbrojtjen e sinjalizuesve*”.

Neni 3
Përkufizime

Në këtë Rregullore termat e mëposhtëm kanë këto kuptime:

1. “Autoritet publik” ka të njejin kuptim me atë të dhënë në ligjin për të drejtën e informimit.
2. “Organizatë” është autoriteti publik, këtu Universiteti i Sporteve.
3. “Universiteti i Sporteve të Tiranës” është institucion i arsimit të lartë publik i themeluar në vitin 1960 me Vendim të Këshillit të Ministrave, Nr. 394, datë 28.09.1960, me emrin “Instituti i Fiskulturës” në funksion të përgatitjes të mësuesve të edukimit fizik dhe specialistëve të sportit.
4. “Njësia përgjegjëse” është organi i posaçëm, i caktuar brenda autoritetit publik ose subjektit privat, i përbërë nga një ose më shumë punonjës të organizatës dhe i ngarkuar me detyrën e shqyrtimit të hetimit administrativ të sinjalizimit dhe shqyrtimin e kërkesës për mbrojtjen e sinjalizuesit.



5. “Hakmarje” është çdo veprim, i drejtpërdrejtë ose jo i drejtpërdrejtë, ose kërcënim, i kryer nga organizata, me natyrë diskriminuese, disiplinore ose që, në një formë tjetër të padrejtë, dëmton interesat e ligjshëm të sinjalizuesit dhe që rezulton nga sinjalizimi.
6. “I sinjalizuar” janë një ose më shumë persona, ndaj të cilëve bëhet një sinjalizim, sipas ligjit nr. 60/2016, në lidhje me një veprim ose praktikë të dyshuar korruzioni.
7. “Mbrojtje” është mbrojtja e sinjalizuesit nga hakmarja, sipas mekanizmit të përcaktuar në kreun V të ligjit nr. 60/2016.
8. “Sinjalizim” është raportimi i informacionit nga ana e sinjalizuesit tek njësia përgjegjëse ose UST për veprime apo praktika të dyshuara korruzioni, të kryera në vendin e tij të punës në autoritetin publik apo subjektin privat.
9. “Sinjalizues” është individi, i cili aplikon ose është në marrëdhënie pune, ose ka punuar më parë pranë autoritetit publik apo subjektit privat, pavarësisht nga natyra e marrëdhënieve së punës ose kohëzgjatjes së saj, si dhe nëse paguhet ose jo, që sinjalizon një veprim ose praktikë të dyshuar korruzioni.
10. “Veprim ose praktikë e dyshuar korruzioni” është një veprim ose mosveprim, fakte ose rrethana të kryera në një organizatë, për të cilat sinjalizuesi dyshon në mirëbesim, sipas këtij ligji, se mund të përbëjë korruzion.

KREU II VEPRIMET PROCEDURALE

Neni 4 Kryerja e veprimeve procedurale

1. Veprimet procedurale të Njësisë Përgjegjëse kryhen në përputhje me ligjin nr. 60/2016, në këtë Rregullore dhe në rast të mosparashikimit nga ky ligj, sipas Kodit të Procedurave Administrative.
2. Njoftimet për veprimet procedurale, për të cilat Njësia Përgjegjëse cakton afate, duhet të përbajnë paralajmërimin e shprehur mbi pasojat e mosrespektimit të afatit.

Neni 5 Mbrojtja nga hakmarrja

1. Sinjalizuesi, i cili sinjalizon një veprim ose praktikë të dyshuar korruzioni, sipas ligjit nr.

Rr. Muhamet Gjollesha, Tiranë, Tel: 35542226652, www.ust.edu.al, contact@ust.edu.al



60/2016, mbrohet ndaj çdo masë hakmarrëse të marrë ndaj tij nga organizata, duke përfshirë, por pa u kufizuar në:

- a. shkarkimin nga puna;
 - b. pezullimin nga puna, ose pezullimin nga një ose më shumë detyra;
 - c. transferimin brenda ose jashtë organizatës;
 - d. uljen në detyrë;
 - e. uljen e pagës dhe/ose të shpërblimeve financiare;
 - f. humbjen e statusit dhe të privilegjeve;
 - g. mosngritjen në detyrë;
 - h. heqjen e së drejtës për të marrë pjesë në trajnime;
 - i. vlerësimë negative në marrëdhënien e punës;
 - j. forma të tjera të hakmarrjes në lidhje me punën.
2. Çdo akt i hakmarrjes ndaj sinjalizuesit është i pavlefshëm.
3. Nëse sinjalizuesi dëshiron të vendoset në një strukturë tjetër të institucionit, për të mbrojtur veten nga reagime armiqësore në mjedisin e tij të afërt të punës, paraqet kërkesë me shkrim tek titullari i institucionit dhe një kopje e saj i dërgohet Njësisë Përgjegjëse.
4. Organizata merr masat e arsyeshme dhe të përshtatshme për të lehtësuar një lëvizje të tillë. Në rast të mos miratimit apo moskthimit të përgjigjes brenda 5 ditësh nga data e paraqitjes së saj, ILDKPKI-ja, me kërkesë të sinjalizuesit, menjëherë i drejtohet organit kompetent, sipas legjisacionit në fuqi, për të urdhëruar autoritetin publik ose urdhëron subjektin privat të marrë të gjitha masat, sipas këtij neni.
5. Nëse organi kompetent nuk merr masat e kërkua, ILDPKI-ja i drejtohet me kërkesëpadi gjykatës kompetente.

KREU III
HETIMI ADMINISTRATIV

Neni 6
Procedura e hetimit të kërkesës për mbrojtje

1. Sinjalizuesi, i cili pretendon se është subjekt i një akti hakmarrjeje, fillimisht duhet të paraqesë kërkesë për mbrojtje tek njësia përgjegjëse e institucionit sipas Formularit të Kërkesës Për Mbrotje nga Hakmarrja.
2. Në rast se institucioni nuk ka njësi përgjegjëse sinjalizuesi që pretendon se është subjekt i një akti hakmarrjeje i drejtohet drejtpërdrejtë ILDKPKI-së.



3. Njësia përgjegjëse merr menjëherë masat dhe në çdo rast, jo më vonë se 10 ditë nga paraqitja e kërkesës, vendos me akt të ndërmjetëm të arsyetuar për riparimin e pasojave të paligjshme nga akti i hakmarrjes. Në rast të shkeljes së këtij afati, kërkesa e sinjalizuesit paraqitet tek ILDKPKI-ja, që vendos brenda 10 ditëve nga marrja e kërkesës për riparimin e pasojave të paligjshme të aktit të hakmarrjes.
4. Njësia Përgjegjëse, brenda 5 ditëve nga data e marrjes së një kërkesë për mbrojtje nga hakmarrja, njofton me shkrim sinjalizuesin për regjistrimin e pretendimit dhe emrin e personit pranë ILDKPKI-së, i cili do të ndjekë çështjen. Përbajtja e regjistrat të posaçëm për këtë qëllim përcaktohet me urdhër të veçantë sipas formularit të miratuar nga ILDKPKI.

Neni 7 Hetimi administrativ dhe barra e provës

1. Njësia Përgjegjëse heton administrativisht pretendimet për hakmarrje për të përcaktuar nëse ka shkaqe të arsyeshme për të besuar që ka ndodhur, është duke ndodhur, ose pritet të ndodhë një akt hakmarrjeje.
2. Njësia Përgjegjëse, në hetimin administrativ, i kérkon me shkresë organit/njësisë strukturore të provojë që masat e marra në dëm të sinjalizuesit janë bazuar në shkaqe të ndryshme dhe që nuk lidhen në mënyrë të drejtpërdrejtë ose të tërthortë me sinjalizimin. Organi/njësia strukturore ka barrën e provës në këtë proces dhe i përgjigjet Njësisë Përgjegjëse me shkrim brenda 10 ditësh nga data e marrjes së kërkesës.

Neni 8 Bashkëpunimi

1. Organi/njësia strukturore dhe sinjalizuesi bashkëpunon me Njësinë Përgjegjëse në përcaktimin e fakteve dhe rr Ethanave të nevojshme për zgjidhjen e çështjes së aktit të hakmarrjes ndaj sinjalizuesit. Organi/njësia strukturore është e detyruar të paraqesë informacione, prova, dokumente, deklarata apo për t'u paraqitur personalisht përpara Njësisë Përgjegjëse.
2. Organi/njësia strukturore kujdeset që çdo deklarim apo argument ta paraqesë me shkrim.

Neni 9 Mjetet e kërkimit të provës

1. Gjatë hetimit administrative, Njësia Përgjegjëse me qëllim përcaktimin e gjendjes së fakteve dhe rr Ethanave që kanë lidhje me çështjen mund:

Rr. Muhamet Gjollesha, Tiranë, Tel: 35542226652, www.ust.edu.al, contact@ust.edu.al



- a. të mbledhë deklarata nga palët, dëshmitarët dhe ekspertë;
 - b. të marrë dokumente dhe dokumente të tjera të dokumentuara nëpërmjet mjeteve fotografike, të regjistrimit ose mjeteve të tjera teknike;
 - c. të vizitojë vende të caktuara.
2. Kur një provë, nga e cila varet zgjidhja e çështjes së aktit të hakmarrjes ose që ndikon në sqarimin e saj, ka rrezik të zhdukjet ose të vështirësitet ose bëhet e pamundur marrja e saj, Njësia Përgjegjëse kryesisht apo me kërkesën e sinjalizuesit, mund të vendosë marrjen më parë të kësaj prove (sigurimi i provës).
3. Njësia Përgjegjëse që zhvillon procedurën administrative mund të vendosë sigurimin e provës edhe përpara fillimit të procedurës administrative. Sigurimi i provës mund të bëhet edhe në çdo fazë të procedurës administrative. Përgjegjësia për sigurimin e provave bie mbi Njësinë Përgjegjëse.

Neni 10 **Njoftimi i sinjalizuesit**

1. Njësia Përgjegjëse njofton me shkrim sinjalizuesin brenda 10 ditëve nga data e marrjes së kërkesës për statusin e hetimit administrativ të kërkesës për mbrojtje dhe për çdo veprim procedural të ndërmarrë.
2. Pavarësisht nga afatet e njoftimit, Njësia Përgjegjëse është e detyruar t'i përgjigjet çdo kërkesë për informacion me shkrim, paraqitur në çdo kohë nga sinjalizuesi në lidhje me kërkesën e tij.

KREU IV **AFATI PËR PROCEDURËN E HETIMIT**

Neni 11 **Masat në përfundim të hetimit administrativ**

1. Nëse në përfundim të hetimit administrativ rezulton se është kryer një akt hakmarrjeje kundrejt sinjalizuesit nga autoriteti publik, Njësia Përgjegjëse i drejtohet me shkrim organit kompetent, sipas legjislativit në fuqi, për të urdhëruar autoritetin publik për marrjen e të gjitha masave për riparimin e shkeljes së kryer.
2. Njësia Përgjegjëse parashikon në shkresë edhe rekomandimin konkret për llojin e masës që duhet të merret.



Neni 12
Afati i përfundimit të hetimit administrativ

Procedura e hetimit administrativ të kërkesës për mbrojtje nga hakmarrja përfundon sa më shpejt të jetë e mundur dhe në çdo rast jo më vonë se 60 ditë nga data e regjistrimit të kërkesës.

Kjo Rregullore hyn në fuqi menjëherë.

